



# Ma n Pa Bill a Rights

fi English Lerna/Multilingual Lerna

CONNECTICUT STATE DEPARTMENT A EDUCATION

Base pan [P.A. 23-150 Section 17](#) di State Board a Education mus mek an write up a bill a right fi muma n pupa r gardians fi youts weh a multilingual lerna fi mek sure di rights a di muma n pupa and youts safe, put up an protektid inna di provisions a bilingual education weh unda chapta 164 a di general status an di sharing a dis bill a rights inna di more betta language a di muma n pupa r guardians.

Dis mean dat according tuh P.A.23-150 Section 17, di State Board a Education go create wah gud liss a rights fi mumu n pupa r gardian fi youts weh a learn wol heap a language.

Dis liss wi mek sure dat di rights a dem muma n pupa an youts yah a keep safe n protektid wen dem get bilingual education like weh chapta 164 a di general law seh. Di liss a rights go gi out to di muma n pupa r gardians dem inna di language weh den more fi ovastand.

Fi di skool year cuming July 1, 2024 n each edda skool year afta dat, each local n regional board a education weh a duh program fi bilingual education r English as a new language fi:

1. Gi muma n pupa an gardians ah sensible youts a copy a di multilingual lerna bill a rights inna di language dem more fi ovastand fi di muma n pupa n gardians, an
2. Mek di copy dem a di multilingual lerna bill a rights available pan di intanet web site fi sed board.

**Dis mean seh from July 1, 2024 an inna di year afta dat, every local an regional board a education weh offa bilingual education r english fi new language program mus:**

1. **Gi di muma n pupa an gardians ah sensible youts a copy a di multilingual lerna bill a rights inna di language weh dem ovastan more.**
2. **Mek dis multilingual lerna bill a rights available pan di board's website.**

## Dem yah a di declaration a di English Lerna/Multilingual Lerna Bill a Rights

1. Di right fi a English/multilingual lerna yout fi guh public skool inna di state wedda di yout immigration status r di immigration status a di same yout muma n pupa r gardian.

Dis mean seh wah English lerna r smaddy weh chat nuff language av di right fi guh a public skool inna di state, all wen dem muma n pupa/gardian a immigrants.

2. Di right fi a muma n pupa r gardian a wah English lerna/multilingual yout fi guh a him public skool witout affi sen een immigration document, include, but it nuh affi stop a social security numba, visa document r proof a citizenship.

Dis mean seh a muma n pupa r gardian fi a yout weh a lern English r chat nuff language can write up dem pickney fi public skool witout him affi giv immigration documents like social security numba, visa paypas, r proof a being citizen.

3. Di right fi a english lerna/multilingual lerna yout fi av translation service providid (A) from wah interpreta weh deh deh inna person or ova di fone r thru wah online web site r (B) wah nex electronic application approved by eh state board a education, wen serious interaction wid techa an administrata, includa, but it nuh affi stop a di muma n pupa techa confrence, meeting wid di admin dem a di skool weh such yout a guh an a weh gud fi notice regula r special meeting dem fi di board a education r skedule meeting dem wid a memba r memba a di board a education weh responsible fi education weh educating di same yout, following inna section 18 a dis yah act yah.

Dis mean wah English lerna/multilingual lerna av di right fi get help wid translation inna important meeting weh involve youts' education. Dis help cah come from wah interpreter inna person r ova di fone r thru wah computa. It a fi important chat wid techa an di skool head dem, like di muma/pupa-techa meeting r meeting dem wid skool's administrata dem. Dis a falla wah special segment a di law call section 18 a deh act yah.

4. Di right fi a English lerna/multilingual lerna yout fi guh inna di program a bilingual education given by di local r regional board a education wen dem av twenty r more rietid youts weh mek sense inna a language adda dan English, as such yout a falla di provisions a section 10-17f a di general status dem.

Dis mean seh wah English lerna/multilingual lerna av di right fi join a bilingual education program fi one a dem fi get a di skool. Dis yah base pan di rules inna section 10-17f fi di general status.

5. Di right fi a muma n pupa r gardian fi wah yout weh a learn English r chat nuff language av rights fi get a write up note wid di two, English n di adda gud language a such muma n pupa r gardian, weh di same yout can guh participate inna a program a bilingual education r English as a nue language program weh offa by di local or regional board a education.

Dis mean seh muma n pupa r gardian fi wah yout weh deh learn English r weh a chat nuff language av di right fi get wah write up notic fi di two dem, English an di edda language weh dem gud at fi tell dem pickney fi guh a wah bilingual education r English as wah new language program given by the district.

6. Di right fi a English lerna/multilingual lerna yout an di muma n pupa r gardian a di yout fi get a gud orientation session. Inna the betta language fi di yout n di muma N pupa an gardian, from di local r regional board a education weh provide infamation fi di state standard, test dem, and expectation fi di skool fi English lerna/multilingual lerna yout, an wid di goal an requirement fi di program dem a bilingual education an English as a nue language, before di participation inna such program a bilingual education r English fi a new language.

Dis mean seh English lerna yout n dem muma n pupa r gardian av di right fi guh a wah helpful meeting inna dem betta language. Dis yah meeting go be set up my di local skool board n it a guh gi dem infamation bout state standard, test, and wah dem expect inna di skool fi di yout dem learning English or a chat nuff language. Dem wi also lern bout di goals n rule dem fi bilingual education an English as wah nue language program before dem enta the program dem.

7. Di right a di muma n pupa r gardian a wah English lerna/multilingual lerna yout go get infamation bout di progress a di yout English language development an gadering.

Dis mean seh di muma n pupa r gardian fi a yout weh a learn English or chat nuff language av di right fi get update an infamation bout how dem pickney a perform inna updating dem English language skill dem.

8. Di right fi a English lerna/multilingual lerna yout an di muma n pupa r gardian fi di yout fi meet wid wah skool smaddy fi discuss di same yout's English language development n acquisition.

Dis mean seh dat yout weh a learn English or chat nuff language n dem muma n pupa r gardian av di right fi meet wid skool staff bout how gud di yout a learn English an a improve him language skill dem.

9. Di right fi a English lerna/multilingual lerna yout fi bi place inna a program a bilingual education r English as a nue language if dem offa from di local or regional board a education.

Dis mean seh a English lerna/multilingual lerna av di right fi guh inna bilingual education r English as a nue language program if di local skool board offa it.

10. Di right fi a English lerna/multilingual lerna yout fi av equal access fi every grade-level skool program.

Dis mean seh a English lerna/multilingual lerna av di right fi get di same opportunities fi tek part inna all skool avtivities fi dem grade level.

11. Di right fi a English lerna/multilingual lerna yout fi av equal access fi all core grade level subjek matta.

Dis mean seh a English lerna/multilingual lerna av di right fi learn all a di important subjek dem at him grade level, jus like di ress a youts.

12. Di right fi a English lerna/multilingual lerna yout fi get yearly language proficiency test.

Dis mean seh a English lerna r smaddy weh chat nuff language av right fi tek a language test every year fi si how gud dem a duh inna dem language skill.

- 13.** Di right fi a English lerna/multilingual lerna yout fi get support service weh guh wid any intervension plan weh di skool or skool district provide to all di youts.

Dis mean seh English lerna/multilingual lerna av di right fi get extra help (thru intervention) weh match di plan a di skool or skool district use fi help all a di yout dem.

- 14.** Di right fi a English lerna/multilingual lerna yout fi always bi an av yearly entry inna a program a bilingual education r English as a nue language wile such yout remaun a eligible yout, as define in section 10-17e a di general status dem.

Dis mean seh a English lerna or smaddy weh chat nuff language can stay inna a bilingual education r English as dem new language program every year long as dem still eligible, as dem explain inna section 10-17e from di general status

- 15.** Di right fi a muma n pupa r gardian fi a English lerna/multilingual lerna yout shud get in touch wid eh Department a Education wid any question r concerns regarding any dat yout's right fi get multilingual lerna service or accommodations available fi a yout r mumu n pupa r gardian, an include infamation pan any recourse fi failure a di board a education fi provide r mek sure service or accommodation.

Dis mean seh a muma n pupa r gardian fi a English lerna r a yout weh chat nuff language cah reach out to di Department a Education if dem av questions r concerns bout dem pickiney's right fi get service or help fi language learning.

Dis include finding out bout wah dem can duh if di skool board nuh provide di service r help dem should.